

utrošena ili ne dostavi izvještaj sa pratećom relevantnom dokumentacijom o namjenskom utrošku sredstava, isti se obavezuje izvršiti povrat nenamjenski utrošenih ili neiskorištenih sredstava Općini u roku od 7 (sedam) dana od zaprimanja zahtjeva Općine za povrat istih.

Zadužuje se Služba za finansije Općine Centar Sarajevo za finansijsku realizaciju ovog zaključka i obračun pripadajućeg poreza na dohodak.

Zaključak o rasporedu tekuće rezerve stupa na snagu danom potpisivanja, a objavit će se u "Službenim novinama Kantona Sarajevo".

Broj 13-11-6332/24  
03. oktobra 2024. godine  
Sarajevo

Općinski načelnik  
**Srdan Mandić**, s. r.

## OPĆINA NOVO SARAJEVO

### Općinski načelnik

Na osnovu člana 47. Zakona o budžetima u FBiH ("Službene novine Federacije BiH", br. 102/13, 9/14, 13/14, 8/15, 9/15, 102/15, 104/16, 05/18, 11/19, 99/19 i 25a/22), člana 50. Statuta Općine Novo Sarajevo ("Službene novine Kantona Sarajevo", broj 5/20 - Prečišćeni tekst i 20/20 - Ispravka), člana 23. Odluke o izvršavanju Budžeta za 2024. godinu broj ("Službene novine Kantona Sarajevo", br. 1/24, 13/24 i 35/24), Općinski načelnik donosi

### ZAKLJUČAK

#### O PRIHVATANJU I RASPOREĐIVANJU SREDSTAVA

##### I

Odobrava se unos namjenskih transfera u Budžet Općine Novo Sarajevo za 2024. godinu u ukupnom iznosu od 20.000,00 KM, tako da ukupni prihodi i primici te rashodi i izdaci Budžeta Općine Novo Sarajevo za 2024. godinu umjesto 49.969.000,00 KM iznose 49.989.000,00 KM.

##### II

Prihodi iz tačke I ovog Zaključka u iznosu od 20.000,00 KM evidentirat će se na ekonomskom kodu:

- 742114 - Namjenska sredstva Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo za rekonstrukciju objekta vrtića "Ciciban", fond 04, subanalitika 90, iznos od 20.000,00 KM.

##### III

Sredstva iz tačke II ovog Zaključka u iznosu od 20.000,00 KM raspoređuju se u okviru Programa prostornog planiranja i uređenja građevinskog zemljištana na ekonomski kod:

- 615100 - Namjenska sredstva Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo za rekonstrukciju objekta vrtića "Ciciban", fond 04, funkcija 0912, subanalitika GRA 134, iznos od 20.000,00 KM.

##### IV

Za realizaciju ovog Zaključka zadužuju se Služba za investicije i zaštitu okoliša i Služba za privredu, budžet i finansije, svaka u okviru svojih nadležnosti.

##### V

Ovaj Zaključak stupa na snagu danom donošenja, a objavit će se u "Službenim novinama Kantona Sarajevo".

Broj 05-11-1-8591/24  
08. oktobra 2024. godine  
Sarajevo

Općinski načelnik  
**Dr. Hasan Tanović**, s. r.

Na osnovu čl. 50. i 146. Statuta Općine Novo Sarajevo ("Službene novine Kantona Sarajevo", br. 5/20 - Prečišćeni tekst i 20/20), čl. 60. i 61. Zakona o budžetima u Federaciji Bosne i Hercegovine ("Službene novine Federacije BiH", br. 102/13, 9/14, 13/14, 8/15, 9/15, 102/15, 104/16, 5/18, 11/19, 99/19 i 25a/22), čl. 21. i 22. Odluke o izvršavanju Budžeta Općine Novo Sarajevo za 2024. godinu ("Službene novine Kantona Sarajevo", br. 1/24, 13/24 i 35/24), Pravilnika o korištenju tekuće rezerve ("Službene novine Kantona Sarajevo", broj 28/23), općinski načelnik donosi

### ZAKLJUČAK

#### O ODOBRAVANJU IZDVAJANJA SREDSTAVA IZ TEKUĆE REZERVE BUDŽETA OPĆINE NOVO SARAJEVO ZA 2024. GODINU

1. Odobrava se izdvajanje sredstava iz Tekuće rezerve Budžeta Općine Novo Sarajevo za 2024. godinu, u iznosu od 3.781,17 KM (slovima: tri hiljade sedam stotina osamdeset jedan i 17/100 KM), u okviru Linijskog budžeta, na novu budžetsku poziciju, ekonomski kod 614100 - Tekući transfer Kantonalnom stambenom fondu - refundacija plaćene obaveze PDV-a, funkcija 0111, fond 01, subanalitika REZER 9, u svrhu refundacije plaćene obaveze PDV-a za poslovni prostor na adresi Marka Marulića 7, koje je koristila MZ "DOLAC" Sarajevo bez naknade, po Odluci Vlade Kantona Sarajevo.
2. Navedena sredstva će se realizovati putem Službe privrede, budžet i finansije, nakon potpisivanja sporazuma, kojim će se definisati način realizacije, praćenja i pravdanja utroška odobrenih sredstava.
3. Za realizaciju Zaključka zadužena je Služba za privredu, budžet i finansije Općine Novo Sarajevo.
4. Zaključak stupa na snagu danom donošenja, a objavit će se u "Službenim novinama Kantona Sarajevo".

Broj 05-11-3-8389/24  
02. oktobra 2024. godine  
Sarajevo

Općinski načelnik  
**Dr. Hasan Tanović**, s. r.

#### URED ZA BORBU PROTIV KORUPCIJE KANTONA SARAJEVO

Na osnovu člana 66. st. (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 38. Zakona o plaćama i naknadama u organima vlasti Kantona Sarajevo ("Službene novine Kantona Sarajevo", broj 5/19 i 40/22), i člana 112. stav (1) Kolektivnog ugovora za državne službenike i namještenike u organima državne službe Kantona Sarajevo ("Službene novine Kantona Sarajevo", broj 51/23), uz pribavljena mišljenja: Sindikalne organizacije kantonalnih organa državne službe Kantona Sarajevo, broj 01- XVI-63/24 od 19.06.2024. godine, Ministarstva finansija Kantona Sarajevo, broj 08-01-02-32450/24 od 01.07.2024. godine, šef Ureda za borbu protiv korupcije Kantona Sarajevo donosi

**PRAVILNIK**  
**O PLAĆAMA I NAKNADAMA DRŽAVNIH**  
**SLUŽBENIKA I NAMJEŠTENIKA UREDA ZA BORB**  
**PROTIV KORUPCIJE KANTONA SARAJEVO**

**I - OSNOVNA ODREDBA**

## Član 1.

(Predmet regulisanja)

Ovim pravilnikom utvrđuju se plaće i naknade državnih službenika i namještenika u Uredu za borbu protiv korupcije Kantona Sarajevo (u daljem tekstu: Ured), pravo na uvećanje osnovne plaće, pravo na naknadu plaće, plaće za pripravnike i naknade za lica na stručnom osposobljavanju bez zasnivanja radnog odnosa i način obračuna i isplate plaće, prestanak važenja ranijeg propisa i stupanje na snagu.

## Član 2.

(Gramatička terminologija)

Gramatička terminologija korištenja muškog ili ženskog spola podrazumijeva uključivanje oba spola.

**II - PLAĆE I NAKNADE DRŽAVNIH SLUŽBENIKA I NAMJEŠTENIKA**

## Član 3.

(Pravo na plaću)

- Državni službenik i namještenik u Uredu ima pravo na plaću koja odgovara radnom mjestu na koje je državni službenik, odnosno namještenik postavljen.
- Plaća državnog službenika i namještenika utvrđuje se rješenjem koje donosi šef Ureda.

## Član 4.

(Pravo na osiguranje od posljedica nesretnog slučaja)

- Državni službenik i namještenik imaju pravo na osiguranje od posljedica nesretnog slučaja sa uključenim rizikom od prirodne smrti za vrijeme trajanja radnog odnosa u Uredu.
- Visina osiguranja po ovoj osnovi određuje se prema polici osiguranja od posljedica nesretnog slučaja odnosno polici osiguranja od prirodne smrti.
- Ugovor o osiguranju sa odgovarajućom osiguravajućom kućom zaključuje šef Ureda za sve državne službenike i namještenike zaposlene u Uredu.

## Član 5.

(Utvrđivanje osnovice za obračun plaće)

Osnovica za obračun plaće državnog službenika i namještenika Ureda utvrđuje se prema odredbama važećeg Zakona o plaćama i naknadama u organima vlasti Kantona Sarajevo, i važećem Kolektivnom ugovoru za državne službenike i namještenike u organima državne službe Kantona Sarajevo (u daljem tekstu: Kolektivni ugovor).

## Član 6.

(Osnovna plaća)

Osnovna plaća državnog službenika i namještenika utvrđuje se množenjem osnovice za plaću iz člana 5. ovog pravilnika i boda za obračun plaće sa utvrđenim koeficijentom platnog razreda.

## Član 7.

(Platni razredi i koeficijenti za državne službenike)

Radna mjesta državnih službenika Ureda razvrstavaju se u platne razrede, a za svaki platni razred utvrđuju se koeficijenti za obračun plaće, prema sljedećim vrijednostima:

Redni broj	Naziv radnog mjesta	Platni razred	Koeficijent
1.	Šef Ureda	I	6,20
2.	Šef Odjeljenja	IV	4,60
3.	Stručni savjetnik	VII	4,10
4.	Viši stručni saradnik	VIII	3,90
5.	Stručni saradnik	IX	3,70

## Član 8.

(Platni razredi i koeficijenti za namještenike)

Radna mjesta namještenika Ureda razvrstavaju se u platne razrede, a za svaki platni razred utvrđuju se koeficijenti za obračun plaće, prema sljedećim vrijednostima:

Redni broj	Naziv radnog mjesta	Platni razred	Koeficijent
1.	Viši referent (SSS)	V	2,70

## Član 9.

(Uvećanje osnovne plaće)

- Osnovna plaća državnog službenika i namještenika uvećat će se:
  - za prekovremeni rad 50%,
  - za rad noću 35 %,
  - za rad u dane sedmičnog odmora 30%,
  - za rad u dane praznika koji su po zakonu državni praznici 50%.
- Uvećanja iz stava (1) ovog člana se međusobno ne isključuju.
- Uvećanja plaće iz stava (1) ovog člana obračunava se od osnovne plaće bez dijela plaće po osnovu radnog staža i čini sastavni dio plaće.
- Naknade odnosno uvećanja plaće iz stava (1) ovog člana ostvaruju se donošenjem rješenja šefa Ureda u kome će biti precizno naznačeni vrsta poslova, broj sati provedenih na takvim poslovima i broj izvršilaca poslova.

## Član 10.

(Uvećanje plaće po osnovu posebnih uslova rada)

Za posebne uslove rada nad provođenjem Zakona o prijavljivanju i postupku provjere podataka o imovini nosioca javnih funkcija u Kantonu Sarajevo i Zakona o prevenciji i suzbijanju korupcije u Kantonu Sarajevo, šef Ureda i zaposlenici imaju uvećanje plaće shodno odredbama ovih zakona.

## Član 11.

(Uvećanje plaće po osnovu minulog rada)

Osnovna plaća državnih službenika i namještenika uvećava se za 0,6% (minuli rad) za svaku započetu godinu staža osiguranja, s tim da ukupno povećanje ne može biti veće od 20%.

## Član 12.

(Uvećanje plaće po osnovu ocjene rada)

- Dio plaće koji pripada državnom službeniku i namješteniku po osnovu ocjene rada utvrđuje se kako slijedi:
  - za ocjenu "izuzetno uspješan"/"naročito uspješan" 5% od osnovne plaće, a za ocjenu "uspješan" 2% od osnovne plaće.
- Procenat na ime ocjene rada iz stava (1) ovog člana pripada državnom službeniku i namješteniku na mjesečnom nivou do sljedećeg ocjenjivanja.

## Član 13.

(Plaća državnog službenika i namještenika)

- Plaću državnog službenika i namještenika čini osnovna plaća iz člana 6. ovog pravilnika i ostvarena uvećanja plaće iz čl. 9. do 12. ovog pravilnika.

- (2) Šef Ureda može donijeti rješenje kojim se osnovna plaća državnog službenika i namještenika uvećava za procenat do 20%, za period u kome državni službenik i namještenik, pored poslova svog radnog mjesta, privremeno obavlja i poslove drugog radnog mjesta, pod uslovom da ima najmanje stručnu spremu radnog mjesta čije poslove obavlja.
- (3) Šef Ureda je obavezan za svaki mjesec pojedinačno donijeti rješenje državnom službeniku i namješteniku o privremenom obavljanju poslova drugog radnog mjesta.
- (4) Ukoliko više državnih službenika i namještenika privremeno obavljaju poslove iz stava (2) ovog člana, ukupno uvećanje osnovne plaće državnih službenika i namještenika ne može biti veće od 20%.

### III - NAKNADE

#### Član 14.

(Naknada za ishranu tokom rada)

- (1) Državni službenik i namještenik ima pravo na novčanu naknadu za ishranu u toku rada (topli obrok), u visini 1% prosječne neto plaće isplaćene u Federaciji Bosne i Hercegovine prema posljednjem objavljenom statističkom podatku.
- (2) Naknada iz stava (1) ovog člana neće se obračunavati za vrijeme odsutnosti sa posla po osnovu službenog puta, bolovanja, porodiljskog odsustva, godišnjeg odmora, plaćenog ili neplaćenog dopusta i drugog odsustva s posla po osnovu odobrenja šefa Ureda.

#### Član 15.

(Regres za godišnji odmor)

- (1) Državni službenik i namještenik ima pravo na naknadu na ime regresa za korištenje godišnjeg odmora u visini 50% prosječne neto plaće isplaćene u Federaciji Bosne i Hercegovine, prema posljednjem objavljenom statističkom podatku.
- (2) Pravo na regres iz stava (1) ovog člana ima svaki državni službenik i namještenik koji u toku tekuće kalendarske godine koristi godišnji odmor.
- (3) Državni službenik i namještenik koji nije stekao pravo na puni godišnji odmor, za dane godišnjeg odmora po osnovu navršenog mjeseca rada ima pravo na regres srazmjern broju dana godišnjeg odmora koje koristi u odnosu na puni godišnji odmor.

#### Član 16.

(Naknada za bolovanje)

- (1) Državni službenik i namještenik ima pravo na naknadu plaće za vrijeme privremene spriječenosti za rad (bolovanje) do 42 kalendarska dana, u visini njegove neto plaće isplaćene za prethodni mjesec.
- (2) Naknadu plaće za bolovanje preko 42 dana iz stava (1) ovog člana ostvaruje se prema propisu Federacije Bosne i Hercegovine kojim se utvrđuje naknada za bolovanje, s tim da razliku do pune plaće isplaćuje Ured.

#### Član 17.

(Naknada za plaćeni dopust i godišnji odmor)

Državni službenik i namještenik, za vrijeme plaćenog dopusta i godišnjeg odmora, u dužini do 36 dana, ima pravo na naknade u visini svoje neto plaće iz prethodnog mjeseca, u skladu sa kolektivnim ugovorom i ovim pravilnikom.

#### Član 18.

(Naknada za porodiljski dopust)

Državni službenik i namještenik, za vrijeme porodiljskog dopusta, ima pravo na naknadu plaće prema propisima Kantona Sarajevo kojim se uređuje ova oblast, prema mjestu uplate doprinosa, s tim da razliku do visine pune plaće uplaćuje Ured.

#### Član 19.

(Naknada za službeno putovanje)

- (1) Državni službenik i namještenik, imaju pravo na naknadu za troškove službenog putovanja na području Federacije Bosne i Hercegovine, odnosno Bosne i Hercegovine, kao i za putovanje u inostranstvo, na koje se upućuje na izvršenje službenog putovanja.
- (2) Visinu i način ostvarivanja naknade iz stava (1) ovog člana, ostvaruje se u skladu sa uredbom Vlada Kantona.

#### Član 20.

(Naknada na prijevoz na posao i sa posla)

- (1) Državnom službeniku i namješteniku, kojem nije organizovan službeni prijevoz na posao i sa posla, a čije je mjesto stanovanja od mjesta rada udaljeno od mjesta rada najmanje dva (2) kilometra, pripada naknada za troškove prijevoza u visini mjesečne karte gradskog, prigradskog i međugradskog saobraćaja.
- (2) Pravo na mjesečnu kartu za prevoz u međugradskom saobraćaju imaju oni državni službenici i namještenici koji dolaze na posao iz mjesta prebivališta koje se nalazi van područja u kome je mjesto rada.
- (3) Pravo iz stava (2) ovog člana ostvaruje se na osnovu pismenog zahtjeva državnog službenika, odnosno namještenika u kojem se navodi adresa stvarnog stanovanja, uz dokaz o prebivalištu (CIPS potvrda).
- (4) U međugradski saobraćaj spadaju mjesta koja su udaljena od mjesta rada do 70 kilometara.

#### Član 21.

(Naknada za slučaj povrede na radu, teške bolesti i invalidnosti)

- (1) U slučaju povrede na radu, teške bolesti ili invalidnosti državnog službenika ili namještenika ili člana njegove uže porodice, isplaćuje se jednokratna novčana pomoć u visini tri prosječne neto plaće isplaćene u Federaciji Bosne i Hercegovine prema posljednjem objavljenom statističkom podatku.
- (2) Naknada iz stava (1) ovog člana isplaćuje se samo jednom po osnovu iste povrede, iste teške bolesti ili istog invaliditeta.
- (3) Pod teškom bolešću iz stava (1) i (2) ovog člana, podrazumijevaju se sljedeće bolesti: akutna tuberkuloza, maligna oboljenja, endemska nefropatija, hirurška intervencija na srcu i mozgu, sve vrste degenerativnih oboljenja centralnog nervnog sistema, infarkt (srčani i moždani), oboljenje mišićnog sistema, paraliza i druge teške bolesti određene općim aktom Federalnog ministarstva zdravstva, kao i teške tjelesne povrede. Bolest, odnosno tjelesna povreda dokazuju se na osnovu nalaza, ocjene i mišljenja Instituta za medicinsko vještačenje zdravstvenog stanja.
- (4) Članom uže porodice u smislu stava (1) ovog člana, smatraju se članovi uže porodice državnog službenika ili namještenika kako je propisano u članu 23. stav (2) Pravilnika.

## Član 22.

(Naknada za slučaj smrti i pravo na osiguranje od posljedica nesretnog slučaja)

- (1) U slučaju smrti državnog službenika, odnosno namještenika, njegovoj porodici se isplaćuju troškovi sahrane u visini od četiri prosječne neto plaće isplaćene u Federaciji Bosne i Hercegovine prema posljednjem objavljenom statističkom podatku.
- (2) Članom porodice državnog službenika ili namještenika u smislu stava (1) ovog člana, smatraju se:
  - a) bračni i vanbračni drug, ako žive u zajedničkom domaćinstvu;
  - b) dijete (bračno, vanbračno, usvojeno, pastorče i dijete bez roditelja, uzeto na izdržavanje do 18 godina, odnosno 26 godina starosti, ako se nalaze na redovnom školovanju i nisu u radnom odnosu, a djeca nesposobna za rad bez obzira na starosnu dob);
  - c) roditelji (otac, majka, očuh, maćeha i usvojitelji);
  - d) braća i sestre bez roditelja do 18 godina, odnosno 26 godina starosti, ako se nalaze na redovnom školovanju i nemaju drugih prihoda, već ih korisnik naknade stvarno izdržava ili je obaveza njihovog izdržavanja zakonom utvrđena, a ako su nesposobni za rad, bez obzira na starosnu dob, pod uvjetom da s njima žive u zajedničkom domaćinstvu;
  - e) unučad ako nemaju roditelja i žive u zajedničkom domaćinstvu s državnim službenikom ili namještenikom.
- (3) Naknada iz stava (1) ovog člana isplaćuje se i u slučaju smrti člana uže porodice državnog službenika i namještenika.
- (4) Ukoliko u organu državne službe istog nivoa vlasti rade dva ili više članova porodice, troškovi sahrane iz stava (1) ovog člana se isplaćuju samo jednom zaposlenom članu porodice.

## Član 23.

(Naknada plaće i druge naknade za vrijeme rada sa polovinom punog radnog vremena uposlenika - roditelja djece čiji invaliditet u utvrđenom procentu od 100% i 90%)

- (1) Jednom od roditelja djece čiji je invaliditet u utvrđenom procentu od 100% i 90% ima pravo da radi polovinu punog radnog vremena, u slučaju da se radi o samohranom roditelju ili da su oba roditelja zaposlena, pod uslovom da dijete nije smješteno u ustanovu socijalno- zdravstvenog zbrinjavanja, na osnovu nalaza nadležne zdravstvene ustanove, pripada pravo na naknadu pune plaće i naknade utvrđene Kolektivnim ugovorom u punom iznosu kao da radi puno radno vrijeme.
- (2) Roditelju, koji koristi pravo iz stava (1) ovog člana, pripada pravo na naknadu pune plaće, dok ovo pravo na naknadu ne bude regulisano posebnim zakonom.

## Član 24.

(Naknada u slučaju prekobrojnosti)

- (2) U slučaju prestanka radnog odnosa državnog službenika, odnosno namještenika zbog prekobrojnosti, taj državni službenik, odnosno namještenik, ima pravo na naknadu u iznosu i to:
  - a) za radni staž do 10 godina, naknada iznosi tri neto plaće državnog službenika, odnosno namještenika,

- b) za radni staž od 11 godina do 30 godina, naknada iznosi šest neto plaća državnog službenika, odnosno namještenika,
  - c) za radni staž preko 30 godina, naknada iznosi deset neto plaća državnog službenika, odnosno namještenika.
- (3) Pod neto plaćom iz stava (1) ovog člana, podrazumijeva se plaća koju je državni službenik, odnosno namještenik ostvario u posljednjem mjesecu prije proglašenja prekobrojnim.
  - (4) Naknada se isplaćuje posljednjeg dana rada u Uredu.

## Član 25.

(Otpremnina)

Državni službenik i namještenik ima pravo na otpremninu prilikom odlaska u penziju u visini svojih šest ostvarenih prosječnih neto plaća isplaćenih u prethodnih pet mjeseci, bez obzira da li odlazi u starosnu, invalidsku ili prijevremenu penziju, u skladu sa važećim zakonima koji definišu ovu oblast.

## Član 26.

(Naknada za rad u komisijama)

- (1) Članovi komisije koje se formiraju na osnovu rješenja Vlade Kantona, odnosno šefa Ureda, kada poslove člana komisije obavljaju izvan radnog vremena, imaju pravo na maksimalnu mjesečnu naknadu za rad u komisijama, do visine jedne i pol (1,5) osnovice iz člana 5. važećeg Zakona o plaćama i naknadama u organima vlasti Kantona Sarajevo.
- (2) Odlukom Vlade Kantona Sarajevo reguliše se način i uslovi obrazovanja komisija i način ostvarivanja naknade, a tačan iznos odnosno visinu naknade za rad svojim aktom utvrđuje Vlada Kantona, odnosno šef Ureda, za svaku pojedinačnu komisiju.
- (3) Naknade za rad u komisijama iz stava (1) ovog člana, a koje se finansiraju od uplata fizičkih ili pravnih lica, ne ulaze u ograničenja iz stava (1) ovog člana.

**IV - PRIPRAVNICI I LICA NA STRUČNOM OSPOSOBLJAVANJU**

## Član 27.

(Visina plaće za pripravnike)

- (1) Plaća pripravnika visoke, više i srednje stručne spreme u Uredu, utvrđuje se u iznosu, i to:
  - a) za visoku školsku spremu u iznosu 80% od početne osnovne plaće utvrđene za radno mjesto stručnog saradnika,
  - b) za višu školsku spremu u iznosu 80% od početne osnovne plaće utvrđene za radno mjesto samostalnog referenta,
  - c) za srednju stručnu spremu u iznosu 80% od početne osnovne plaće utvrđene za radno mjesto referenta.
- (2) Osnovna plaća iz stava (1) ovog člana predstavlja samo iznos plaće, bez dijela plaće po osnovu penzijskog staža.

## Član 28.

(Visina naknade za lica na stručnom osposobljavanju bez zasnivanja radnog odnosa)

- (1) Naknada za lica na stručnom osposobljavanju bez zasnivanja radnog odnosa visoke, više i srednje stručne spreme u Uredu utvrđuje se u iznosu i to:
  - a) za visoku školsku spremu u iznosu 35% od osnovne plaće stručnog saradnika,
  - b) za višu školsku spremu u iznosu 35% od osnovne plaće samostalnog referenta,

- c) za srednju stručnu spremu u iznosu 35% od osnovne plaće referenta.
- (2) Visina naknade iz stava (1) ovog člana određuje se od osnovne plaće odgovarajuće školske spreme.

**V - OBRAČUN I ISPLATA PLAĆE**

## Član 29.

(Način obračuna i isplata plaće)

- (1) Plaća se obračunava za jedan mjesec unatrag, a isplaćuje za prethodni mjesec u skladu sa važećim Zakonom o radu i u skladu sa važećim Zakonom o plaćama i naknadama u organima vlasti Kantona Sarajevo i od jedne do druge isplate plaće ne može proći više od 30 dana.
- (2) Plaća iz stava (1) ovog člana utvrđuje se rješenjem koje donosi šef Ureda, a obavezno sadrži: lične podatke državnog službenika i namještenika, radno mjesto na koje je postavljen, platni razred i sve elemente koji su uzeti u obzir za utvrđivanje visine plaće.
- (3) Podaci o plaćama državnih službenika i namještenika su javni, osim pojedinačnih isplata plaće koje nisu javne.
- (4) Sve izmjene u visini plaće vrše se rješenjem kojeg donosi šef Ureda.

**VI - ZAVRŠNE ODREDBE**

## Član 30.

(Prestanak važenja ranijeg propisa)

Stupanjem na snagu ovog pravilnika, prestaje da važi Pravilnik o plaćama i naknadama državnih službenika i namještenika Ureda za borbu protiv korupcije i upravljanje kvalitetom Kantona Sarajevo, broj 20-14-32131/19 od 02.09.2019. godine.

## Član 31.

(Stupanje na snagu)

Ovaj pravilnik stupa na snagu danom donošenja i objavit će se u "Službenim novinama Kantona Sarajevo".

Broj 20-11-32015-4/24  
21. augusta 2024. godine  
Sarajevo

Šef Ureda  
**Erduan Kafedžić**, s. r.

**ISPRAVKE**

Na osnovu člana 6. stav (3) Poslovnika o radu Vlade Kantona Sarajevo ("Službene novine Kantona Sarajevo", broj 23/23 i 22/24) nakon podnesenog zahtjeva Ministarstva finansija Kantona Sarajevo za ispravku Odluke o dugoročnom kreditnom zaduženju Kantona Sarajevo ("Službene novine Kantona Sarajevo", broj 40/24), sekretar Vlade daje

**ISPRAVKU****ODLUKE O DUGOROČNOM KREDITNOM ZADUŽENJU KANTONA SARAJEVO ("SLUŽBENE NOVINE KANTONA SARAJEVO", BROJ 40/24)**

1. U Odluci o dugoročnom kreditnom zaduženju Kantona Sarajevo ("Službene novine Kantona Sarajevo", broj 40/24) u nazivu Odluke iza riječi "Kantona Sarajevo" dodaju se riječi "u iznosu 49.216.600 KM".
2. Ova ispravka objavljuje se u "Službenim novinama Kantona Sarajevo".

Broj 16-11-40270/24  
14. oktobra 2024. godine  
Sarajevo

Sekretar Vlade  
**Mersiha Šabaredžović-  
Klačar**, s. r.

**SLUŽBENE OBJAVE**  
**JU "KULTURNO-SPORTSKI CENTAR**  
**I RADIO ILIJAŠ"**

Na osnovu čl. 31 Uredbe sa zakonskom snagom o ustanovama ("Službeni glasnik BiH", broj 6/92, 8/93 i 13/94), člana 15. Odluke o osnivanju ustanove "Kulturno-sportski centar i Radio Ilijaš" Ilijaš ("Službene novine Kantona Sarajevo", broj 2/00 i 18/10) i čl. 45. Pravila Javne ustanove "Kulturno sportski centar i Radio Ilijaš" Ilijaš broj OPU-IP- br. 509/2010, Upravni odbor na 10. sjednici održanoj 16.09.2024. godine, donosi

**ODLUKU****O IMENOVANJU VRŠIOCA DUŽNOSTI DIREKTORA**  
**JU "KULTURNO-SPORTSKI CENTAR I RADIO**  
**ILIJAŠ" ILIJAŠ NA PERIOD OD ŠEST MJESECI**

## I

Aida Muratović se imenuje za vršioca dužnosti direktora Javne ustanove "KULTURNO- SPORTSKI CENTAR I RADIO ILIJAŠ" Ilijaš na period do šest mjeseci od dana imenovanja.

## II

Imenovana će dužnost vršioca dužnosti direktora početi vršiti nakon pribavljanja saglasnosti izvršnog organa općine - općinskog načelnika Općine Ilijaš.

## III

Odluka stupa na snagu danom dobijanja saglasnosti izvršnog organa općine - općinskog načelnika Općine Ilijaš.

Broj 26-II-09/2024  
16. septembra 2024. godine  
Ilijaš

Predsjednica  
Upravnog odbora  
**Mersiha Duraković**, s. r.  
(SI-1363/24-K)

**UDRUŽENJA / FONDACIJE**

Ministarstvo pravde i uprave Kantona Sarajevo rješavajući po zahtjevu UDRUŽENJA SPORTSKIH RIBOLOVACA "CENTAR", na osnovu člana 33. stav (2) Zakona o udruženjima i fondacijama ("Službene novine Federacije BiH", broj 45/02) donosi

**RJEŠENJE**

Prestaje sa radom UDRUŽENJE SPORTSKIH RIBOLOVACA "CENTAR", sa sjedištem u Sarajevu, u ulici Sedrenik mali broj 29, upisano u Registar koji se vodi kod Ministarstva pravde i uprave Kantona Sarajevo, rješenjem broj 03-05-05-11910/06 od dana 20.11.2006. godine, pod registarskim brojem 960 knjiga II Registra udruženja.

Broj 03-03-04-15695/24  
09. oktobra 2024. godine  
Sarajevo

Po ovlaštenju ministricе  
Sekretar  
**Indira Šulović**, s. r.  
(198/21-K)